



Broj: JN05-16-4-44-8/22

Sarajevo, 20.8. godine

2022.

Temeljem članka 69. Stavak (1) tačka a) članka 70. i članka 89. Zakona o javnim nabavama („Službeni glasnik Bosne i Hercegovine“ broj: 39/14), ministar pravde Bosne i Hercegovine, donosi

ODLUKU

o dodjeli ugovora u postupku javne nabave dijelova uniformi sa službenim oznakama za potrebe Sudbene policije Bosne i Hercegovine

I

Dodjeljuje se ugovor ponuditelju **SHOT d.o.o. Zenica, Zmajevačka cesta 55c, 72 000 Zenica**, u postupku javne nabave dijelova uniformi sa službenim oznakama za potrebe Sudbene policije Bosne i Hercegovine (polo majica dugih rukava zimska, hlače zimske, T - majica kratkih rukava, košulja dugih rukava, interventna podkapa i hlače).

II

Ponuditelj iz točke I ove odluke dostavio je najnižu cijenu sukladno članku 64. stavak (1) točka b) Zakona o javnim nabavama Bosne i Hercegovine.

Obrazloženje

Ministarstvo pravde Bosne i Hercegovine odobrilo je pokretanje konkurentskog postupka nabave dijelova uniformi sa službenim oznakama za potrebe Sudbene policije Bosne i Hercegovine - Odlukom o pokretanju postupka nabave broj: JN05-16-4-44/22 od 17.08.2022.godine.

Povjerenstvo za jave nabave (u daljem tekstu Povjerenstvo) je konstatiralo da su u propisanom roku za dostavljanje ponuda, pristigle ponude sljedećih ponuditelja:

1. **KM TRADE d.o.o. Visoko, Čaršijska bb, 71300 Visoko i**
2. **SHOT d.o.o. Zenica, Zmajevačka cesta 55c, 72000 Zenica.**

Povjerenstvo je izvršilo analizu i procjenu dokumentacije uz pristigle ponude, kao i dostavljenih uzoraka, te je utvrdilo da dostavljena ponuda ponuđača **KM TRADE d.o.o. Visoko** ne ispunjava uslove utvrđene tenderskom dokumentacijom, zbog čega se smatra neprihvatljivom ponudom, a da ponuda ponuđača **SHOT d.o.o. Zenica** ispunjava uslove utvrđene tenderskom dokumentacijom, zbog čega se smatra prihvatljivom ponudom.

Naime, u pogledu dostavljene ponude ponuđača **KM TRADE d.o.o. Visoko** Povjerenstvo konstatuje da ista ne ispunjava uslove propisane tačkom 3.3.1. tenderske dokumentacije. Preciznije, navedeni ponuđač u okviru ponude nije dostavio dokaze da ispunjava uslov tehničke i profesionalne sposobnosti, odnosno nije dostavio: „...a) uzorke za svaku ponuđenu stavku roba iz Obrasca za cijenu ponude, uključujući i posebne oznake Sudske policije BiH; b) Izjavu da je saglasan da ugovorno tijelo može izvršiti provjeru kvalitete dostavljenih uzoraka, i da se provjera može izvršiti prije dodjele ugovora od strane angažovanog lica ili institucije koja je ovlaštena za provjeru kvalitete, a iste troškove provjere će snositi ugovorno tijelo; i c) Izvještaje (ateste) akreditiranog tijela za kontrolu kvaliteta, o izvršenoj vizuelnoj i laboratorijskoj kontroli dostavljenih uzoraka u odnosu na opće i tehničke zahtjeve i propisane standarde kvalitete

navedene u tehničkoj specifikaciji Aneksa 3A tenderske dokumentacije, koji moraju biti plombirani od strane nadležnog tijela za kontrolu kvalitete i iz kojih je vidljivo da ponuđena roba u potpunosti ispunjava minimalne tehničke zahtjeve propisane tehničkim specifikacijama.“

Nadalje, Povjerenstvo konstatuje da Aneks 4. i Aneks 8. tenderske dokumentacije, koji su dostavljeni u okviru ponude ponuđača **KM TRADE d.o.o. Visoko**, nisu ovjereni od strane nadležnog organa (sud, notar ili općina), a kako je to precizirano tačkom 4.4. e) i j) tenderske dokumentacije, odnosno formom koja je data u Aneksu 4. i Aneksu 8. tenderske dokumentacije. Također, ponuđač **KM TRADE d.o.o. Visoko** u svojoj ponudi nije dostavio traženo tačkom 4.4. a) i f), odnosno popis dokumentacije (Aneks 1) na način kako je to traženo tačkom 4.4. a) i dokaz o sposobnosti obavljanja profesionalne djelatnosti iz tačke 3.2. tenderske dokumentacije (član 46. ZJN).

Slijedom navedenog, a budući da je članom 68. stav (4) tačka i) Zakona o javnim nabavkama propisano da je ugovorni organ dužan odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo konstatuje da se ponuda ponuđača **KM TRADE d.o.o. Visoko** odbacuje.

Povjerenstvo dalje konstatuje da je tačkom 1.4. tenderske dokumentacije propisano da se za predmetnu nabavku predviđa e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“ broj: 66/16).

Članom 3. stav (3) Pravilnika o uslovima i načinu korištenja e-aukcije propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama (Prestanak postupka javne nabavke).

Članom 69. stav (1) Zakona o javnim nabavkama propisano je da se postupak javne nabavke može okončati: a) zaključenjem ugovora o javnoj nabavci ili okvirnog sporazuma ili b) poništenjem postupka javne nabavke.

Slijedom rečenog, a budući da je u konkretnom slučaju samo jedna ponuda prihvatljiva, odnosno da ispunjava sve formalno pravne uslove navedene u tenderskoj dokumentaciji, Povjerenstvo je jednoglasno dalo preporuku ministru pravde BiH da se u predmetu javne nabavke dijelova uniformi sa službenim oznakama za potrebe Sudske policije Bosne i Hercegovine, donese Odluka o dodjeli ugovora ponuđaču **SHOT d.o.o. Zenica, Zmajevačka cesta 55c, 72000 Zenica**, sa ukupnom cijenom od **45.215,00 KM bez PDV.** (slovima: četrdesetpetiljadadvijestotinepetnaest i 00/100 KM).

Povjerenstvo također napominje da ponuđač **SHOT d.o.o. Zenica** nije dostavio dokumente tražene tačkom 3.1.2. (od a) do d)) tenderske dokumentacije, a kojima dokazuje da se na njega ne odnosi definisano tačkom 3.1. od a) do d) tenderske dokumentacije. Dokumentaciju je potrebno dostaviti u roku i na način propisan tačkom 3.1.2.1. Tenderske dokumentacije.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) dana od dana kada je primio Odluku, odnosno Obavijestjenje o rezultatima.

Privitak:

- Zapisnik o ocjeni ponuda.

Dostaviti:

- Ponuditeljima u postupku;

- a/a.

